



Inatsisartunut ilaasortaq,
Aqqalu C. Jerimiassen
Atassut,
Maani/

**Aalisarnerq pillugu inatsit § 37 naapertorlugu apeqqummut nr. 131-2025-mut
akissut**

18-08-2025
Suliap normua: 2025 - 16254
All. nr. 25622180

Inatsisartut suleriaasissaanni § 37-mi imm. 1 naapertorlugu Naalakkersuisunut aalisarnerq pillugu inatsimmut tassungalu atasunik nalunaarutissanik suliaqarnermut tunngasumik apeqquteqarsimavutit. Apeqqut suliaasaqarfigisannit akineqartussanngorlugu innersuunneqarpoq

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

**1. Naalakkersuisut aalisarnermut inatsisip nalunaarutitigut
nalimmassaaviginissaanut suliniutitik sumut killippaat?**

1-imut) Aalisarnermut inatsisip nalunaarutit nutaat nutartikkallu aqqutigalugit allanngortinneqarnissaanik suliat ingerlaleruttorput, nalunaarutillu qitiusumik inissisimasut pingasut tassalu PNP-it pillugit nalunaarut, aalisarsinnaanermut akuersissutit pisassiissutillu pillugit nalunaarut kiisalu aalisarnerup teknikikkut iluarsartuussivigineqarnera pillugu nalunaarut suliarineqareerlutik upernaap atuutilersinneqareerput. Nalunaarutissat sinnerisa Naalakkersuisunit akuerineqarnissaat Naalakkersuisunit suli naatsorsuutaavoq tassaasut: saniatigut pisat/pisarisoorakkat, inuussutissarsiutiginnagu aalisarnerq, misileraalluni aalisarnerq umiarsuillu tunitsiviit, pisanik nuussisarnerit nunamilu tunisassiorfiit pillugit nalunaarutissat taakkulu saniatigut aalisarnerup teknikikkut iluarsartuussivigineqarnera pillugu nalunaarutit aamma aalisarsinnaanermut akuersissutit pisassiissutillu pillugit nalunaarutit allannguutissai ukiup naannginnerani naammassineqassangatinneqarlutik.

Saniatigut pisat pillugit nalunaarutissaq inatsilerituunit aqqissuuneqarlunilu siullermeertumik misissoqqissaarneqareerpoq septemberillu ingerlanerani tusarniutigineqarsinnaanissaa naatsorsuutigineqarluni. Inuussutissarsiutiginnagu aalisarnerq pillugu nalunaarutissap inatsilerituunit aqqissorneqarnera siullermeertumik misissoqqissaarneqarlu naammassilerpoq taamaattumillu septemberip ingerlanerani tusarniutigineqarnissaa naatsorsuutigineqarluni. Pineqartut saniatigut umiarsuit tunitsiviit, usinik nuussisarnerit nunamilu tunisassiorfiit pillugit nalunaarutissat inatsilerituunit siullermeerlugit aqqissorneqarlutillu misissoqqissaarneqarnissaminut piariilerput. Misileraalluni aalisarnerit pillugit nalunaarutissaq suliarineqaleruttorpoq, missingiummilli saqqummiisoqartinnagu inuussutissarsiuteqartunik oqaloqateqaqqinnissaq pisariaqartinneqarluni. Soqutigisaqartunik kingusinnerpaamik septemberimi ataatsimiigiasisinnissaaq

taamaalillunilu nalunaarutissap naammassillunilu tusarniutigineqarnissaa naatsorsuutigineqarpoq.

- 2. Nalunaarutitigut nalimmassaaqqinnermi avataasiorluni pisassat amerlangaatsiartut namminersortunit peerneqarsimasut Naalakkersuisunit qanoq pilersaaruteqarfigineqarpat?**

2-mut) Pisassiissutit ilaasa neqeroorutissatut immikkoortinneqarnissaanut aalisarnek pillugu Inatsisartut inatsisaat nr. 29, 23. maj 2024-meersumi § 29-mi imm. 3-mi aamma PNNP atorlugu qalerallitassissutit agguanerit pillugit Namminersorlutik Oqartussat nalunaarutaanni § 8 imm. 3-mi allassimasut inatsisigut tunngavigineqarput. Tamatuma malitsigisaanik nalunaarutit aqqutigalugit allanngortitseqqinnissaq pisariaqassanngilaq.

- 3. Aalisarnermut inatsisip nutaap atuutilersup aalisagaqatigiit allat atorluarnerunissaat siunertarigaa Naalakkersuisut oqariartuutiginikuuaat, taassumalu allanik qalerallit saarulliillu saniatigut maannamut nunatsinni aalisarnermik inerisaaneq qanoq ingerlava?**

3-mut) Aalisarnek pillugu Inatsisartut Inatsisaanni § 52 naapertorlugu Naalakkersuisut paasissutissanik tamakkiisumik saqqummiisarnissamik pisussaaffeqarput, tassunga ilanngullugit pisinneqarsinnaasut tamarmiisut pillugit pisinneqarsimasullu pillugit paasissutissat. Taamaalilluni aalisakkanut aqutsiveqarfinnullu ataasiakkaanut tunngatillugu avataasiorluni aalisarnerni tamani pisinneqarsimasut www.gfjk.gl aqqutigalugu takuneqarsinnaalernikuupput. Pisat nalunaarsorneri ullut tamaasa nutarterneqartarput taamaalillutik innuttaasut pisinneqarsinnik atuineri malinnaasinnaalersillugit.

Taakkua saniatigut aalisakkat pisassiissutigineqartartut ataasiakkaat eqqarsaatigalugit aalisarsinnaanissamut kikkut akuersissutaateqarnersut, aalisarnermi angallatit atorineqartut paasissutissallu allat takuneqarsinnaapput. Aalisarnermi paasissutissat § 53 naapertorlugu ingerlaavartumik nutarterneqartarput.

Inussiarnersumik inuulluaqqusillunga



Peter Borg sinnerlugu

Aalisarnermut, Piniarnermut Nunalerinnermut Imminullu pilersornermut Naalakkersuisoq